

cum Deo promereri posse, hinc perperam adversarii inferebant, non igitur facienda esse bona opera.

3. Quemadmodum enim ideò non negantur sensus ac motus in animali, quia negantur esse causa vitæ: Ita neq. prohibentur bona opera; licet illa nò dicamus esse causam iustificationis coram Deo.

4. Testantur autem scripta Theologorū Augustanae Confessionis, ac conciones de decem præceptis, & alia simili argumento, quòd utiliter doceant de omnibus vitæ generibus & officiis, quæ vitæ genera, & quæ opera in qualibet vocatione Deo placeant,

5. Cùm autem decalogus regula sit bonorum operum, rectè notat Confessio puerilia illa & nò necessaria opera, quæ in papatu urgentur, ut sunt certæ feriæ, certæ ieiunia, fraternitates, peregrinationes, cultus sanctorū, rosaria, monachatus & similia, quæ sunt è decalogi præceptis, quib. frustra Deus colitur. Matth. 15. v. 9.

Doctrina Pontificiorum, quod fide & operib. simul iustificemur, nò est sana.

6. Quamvis autem in Ecclesia Romana nunc doceant hominem fide & operibus iustificari, quæ doctrina tolerabilior est priore, quâ nullâ fidei, in negotio iustificationis, mē-